

毘陵集

三

毘陵集卷第十一

朝散大夫使持節常州諸軍事守常州刺史賜紫金魚袋獨孤及

墓誌墓表中 九首

唐故正議大夫右散騎常侍贈禮部尙書李公

墓誌銘 并序

唐故祕書監贈禮部尙書姚公墓誌銘 并序

唐故特進太子少保鄭國李公墓誌銘 并序

唐故朝散大夫中書舍人祕書少監頓丘李公

墓誌

唐故給事中贈吏部侍郎蕭公墓誌銘 并序

唐故銀青光祿大夫太子左庶子嚴公墓誌銘

并序

唐故尙書庫部郎中滎陽鄭公墓誌銘

并序

唐故吏部郎中贈給事中韋公墓誌銘

并序

唐故河南府法曹參軍張公墓表

唐故正議大夫右散騎常侍贈禮部尙書李公墓

誌銘

并序

歲在丁未七月丁卯有唐故右散騎常侍李季卿薨享年五十九文經邦國行滿天下無人非鬼責之悔以近後劇無中人十金之產以補祭於身沒顧謂宗子家老

必以巾車一乘斂手足形還葬其孤馮翊縣令霸一作伯

等泣奉遺命以某月庚寅附宅兆於長安九陣原之先
塋名公上士護喪會葬同道必至哀纏都邑初公烈考
曰適神龍中歷官中書舍人昭文館學士工部侍郎才
高而明爲文章著龜公生而好學地使然也豁然闕達
天所縱也臨大節而賈勇不私其身也進賢不進不止
事君以忠也當昔天步方艱王師有征公入參諫臣出
佐軍政直躬咨諏戎臣賴之其後領二曹判二州再司
王言三貳京尹由祕書少監爲吏部侍郎復兼御史大
夫慰撫山東淮南明年勞旋典選如故大歷三年拜右

長陽集卷二
常侍其勤王家十有餘年舉措由道行止以直居貞守
忠愆不能惑思賢求才若渴若飢推心吐誠親疎以之
執德之經不爲利回正進退於忠信視得喪如涕凡
君子在位則不仁者遠攸徂之邦宜皆蒙福遽奪公算
是不惠於斯人也天難忱斯嗚呼哀哉諸公以爲不可
柰何者壽夭之數若奮揚景行宜在知己由是尙書右
丞長樂賈至作銘曰

於維李公誕靈中和磊落瓌竒如山如河胷中洞開萬
里長波孝友忠信詩之無邪早歲登科以文從吏累擢
大邑拔乎其萃時之方難朝慎名器帝曰忠讜爾居諫

議出典方岳入趨禮闈再掌絲綸翱翔鳳池乃作天官
又侍紫微八使澄清功濟危時諤諤正言有犯無隱諛
諧善謔託諷脣吻雲衢未窮陰霜夙實悽愴東川古來
共盡人懷遺愛帝念謀猷衷贈春官悲感林丘已矣平
生哀哉若浮獨有令名與天悠悠

唐故祕書監贈禮部尙書姚公墓誌銘 并序

有唐祕書監永安縣侯姚公諱子彥 本作彥 據英華改 字伯英

其先馮翊蓮勺人也至高祖僧洪徙家河東祖思聰祕

書少監父坦汝州梁縣丞贈祕書監公 英華無忠諒孝公字

愛寬仁愿恭質方氣冲天所授也而力行博學溫故知

三亦有生齋校本

新錯綜六藝公作詞賦初舉進士又舉詞藻皆升甲科

尉清苑英華作遠獲嘉永寧三縣開元二十九年詔立黃老

學親問奧義對策者五百餘人公與今相國河南元公

載及廣平宋少貞等十人以條奏精辯才冠等列授右

拾遺內供奉歷左補闕於時英華作當是時天下無金革之虞

七字據英華補選多士命百官先文行而後名法英華作吏事而柱

下方書南宮章奏主張綸翰典司禮文英華作樂尤精其選

非盛名莫居繇是遷公殿中侍御史禮部員外郎禮部

郎中知制誥中書舍人太常少卿天寶十四年奉詔宣

慰江東淮南覽觀風俗無何二京陷覆太夫人捐館公

外罹憂患內纏惛疾銜憤泣血毀鄰英華作瘠滅性乘輿反

正公適外除拜太子右英華作左庶子於時迪難始康百揆

草創官復其職人亦求舊俄又授公中書舍人禮部侍

郎光祿卿左散騎常侍加銀青光祿大夫復知制誥廣

德二年授祕書監以儒行懿德策名三朝遺跡故事周

遍臺閣自以儒行至臺閣十七字英華作策名事君二

掌訓誥四居禮官一典祕書其遺塵資忠體和唯道是

居正身奉上中立不倚恐懼戒慎形於隱微故遭值傾

否出入夷險而未嘗有悔名與身偕德善英華作中庸是依

明哲以保故也享壽七十有八大歷三英華作二年四月某

四亦有生齋校本

日薨於位五月某日詔贈禮部尚書知言者以為壽富
康寧攸好德考終命洪範謂之嚮用五福而公居四焉
以清儉貽厥子孫故所不至者富焉爾非明德介祉何
以享茲有子曰驍曰驥曰驂曰駟英華曰騶號于英華
昊天痛欲報之罔極也銜恤問禮拔血襄事十月丁酉
卜兆此原惟盛德與公器若川流之無還垂芳如之何

刻銘英華墓門其辭云英華作曰

恂恂祕書蘊粹含和服膺孔門行鄰英華四科遭時之

康天下尚文公奮羽翰翱翔慶雲晚逢中興貴德尚齒

公秉懿範入作卿士逮事三后出入二紀典禮司書媚

於天子居貞保儉與祿終始鬱鬱佳城烈烈餘美英華作光

烈遺日月有逝令問無英華作不已

唐故特進太子少保鄭國李公墓誌銘 并序

少保諱遵皇唐太祖景帝七世孫也祖瑜鄭州刺史追贈太常卿烈考曰暈官至太僕贈太子太師揚州都督公聰朗奇偉豪邁曠達率性忠孝臨節有勇開元十年初仕天寶六年出守始於淄川歷濟南汝南以剛明莅衆所居政肅民受其賜生爲立祠十四年秋九月由執金吾爲彭原郡守明年長安覆沒元宗遜於南京便橋之役我師敗績自新平屬之五原二千石皆反爲賊守

五亦有生齋校本

且陽集卷十一
肅宗以餘騎十數次於彭原公頓首迎謁且憤且喜因
獻衣服鞍馬泣問大計乃悉發倉庫募敢死士獲九百
人公自誓衆扈蹕而北翌日師次臨涇又北至於平原
收攜貳逆命者斬之以殉破其餘黨進幸靈武旬日衆
至數萬王師遂張於時法駕播越神器無主公與裴冕
等率羣臣勸進陳天意上尊號上卽皇帝位拜公尙書
工部侍郎領宗正卿乘輿南旋公封鄭伯舊京始復公
典營建社稷宗廟園陵壇墀罔不畢修百工咸若乾元
二年論功行封策爲鄭國公定食實封二百戶加特進
工部尙書宗正如故上每拜公相命將帥建妃后公悉

參焉渥澤滂沍羔雁盈門家有陸生之素樂兼魏絳之
賜中興宗臣荷寵無二會李輔國泄省中語且諷公卿
舉己爲相公不從密陳其姦明年肅宗崩公由太子少
傅貶袁州刺史竟爲盜憎且讒勝故也寶應二年拜鴻
臚尋復加太子少保貶永州司馬大歷二年七月某日
薨於永州春秋若干夫人盧氏蘄春郡長史諭之子以
副笄宜室封范陽郡夫人而偕老懋願先公十二歲而
歿大歷三年夏五月庚申合葬於萬安山北原禮也惟
公宣力殷憂之際克扶艱難之業忘身衛上忠之至者
及居職任事知無不爲永泰之後以列侯朝請則放志

長陽集卷十一
達生以親其身再處左官皆非其罪知公者謂公進因
策勲退不附邪善無近名直而忘懷斯可謂之達矣有
四子謂誦譚諤願書其先人之勲烈使後嗣得酌而觀
之於是公母弟祕書少監日勛謂及忝佐典三禮宜知
先王先公之昭穆故命爲誌其辭曰

貞松之姿匪寒不知公之清規見於國危抗憤忠勤發
民濟師戮力扶義天步乃夷奄有滎波遂荒鄭封帝曰
俞往汝作共工澤流於家慶積恩重門羅軒蓋賜有歌
鐘再謫湘源謂當後笑遂遊岱宗天實不弔寂寞舊館
悽涼江徼琢石泉戶摘其光曜

唐故朝散大夫中書舍人祕書少監頓丘李公墓

誌

公諱誠字元成魏郡頓丘人也九代祖誕魏太傅陳留
郡王從太傅七葉生左威衛將軍翊威衛生汾州長史
昇長史生濮陽令諒濮陽生公四歲知禮七歲善屬文
十六戶部尙書姚珽以賢良薦比之終賈開元三年舉
進士十年舉茂才十七年舉文學皆射策取甲科由太
平尉爲金吾曹監察御史河南司錄美原令膳部員外
郎天寶元年考功郎中知制誥修國史二年中書舍人
五年祕書少監七年十二月終於京師自初仕至終二

十七年歷官十享壽五十三動靜由禮交不諂瀆宏毅
貞亮直而不肆居官必忠執事必敬未嘗以悔吝改操
爲權倖屈法由是自御史爲河南府司錄持正不阿故
也宰美陽周月收案大猾除其根株然後布政及朞而
美陽無訟乃有涸泉湧流白雀馴於庭開元中蠻夷來
格天下無事搢紳聞達之路唯文章先公以俊造文賦
皆第一京師人傳寫策彙相示以爲式無何司言載筆
乃典祕書公才盛名與職位俱論者謂公以文學政事
取公器如拾芥雖不至公卿其令問令望足遺後昆夫
人孝義縣君宋氏萊州司馬元同之女禮樂風操家之

範也柔明孝慈天之質也清淨厭離修之惠也能修采蘋之職以正家節李氏之閨門肅九族睦實夫人是賴乾元元年隨長女從夫于洋州二年正月二十五日終於某居享年五十七遂權窆焉路難不克反葬故也有才子二人曰興曰殷悉能荷先大夫之德興三十爲左補闕起居舍人殷舉秀才甲科永泰二年興請命於上迎夫人喪至自洋州十月二十七日合祔於澠池先塋夫唯天地能長且久若邱隴陵谷則無不遷者也故纂其先人之景行勒於石以爲志

唐故給事中贈吏部侍郎蕭公墓誌銘

并序

公諱直字正仲梁長沙王懿七代孫有唐御史中丞臨
汝郡守諒之孟子聰秀英達忠敏孝敬志强體和才方
而圓果於從政當斷不惑有妙用明識足以濟衆利物
與朋友然諾見於一貴一賤之際十歲能屬文工書十
三遊上庠十七舉明經上第名冠太學二十餘以書記
參朔方軍事中丞府君之遇讒謫居也公亦播遷漢東
移尉穀熟至德二年乃由廷尉評授監察御史歷河南
府戶曹京兆府司錄參軍其後驟升尙書戶部庫部司
勲吏部四曹郎自殿中進兼侍御史中丞徐州刺史廣
德元年中一歲四遷更七職朝廷難奉使之選謂非公

莫可故也永泰元年拜太子左庶子大歷三年授給事
中前後居官二十辟書記支使判官副使行軍司馬貳
使臣之車者八出入冠柱後惠文冠者六所從之主則
朔方元帥張懷欽汴州刺史李彥允揚州刺史李成式
戶部尙書李公暉故相國今戶部侍郎第五公琦今相
國黃門侍郎王公縉中書侍郎元公載其人也當乾元
上元中大憝未靜王室之安危唯方面藩鎮是瞻公所
佐之府必以忠力主畫疑謀危事談笑而決刀筆之所
加應機成務談者稱其多才初公居先公夫人之喪外
除猶毀其後母弟立卒公菴不絕哭再期懸不樂

吳本作不

懸樂

食不肉談者高其孝友人緩急大小之請必儲必副
內姻外姻與所知之喪必匍匐而救之賙嗆加於人一
等談者服其仁愛至是與爲庶子給事黃門出入兩宮
優游三公間皆得其歡心方謂六卿九伯之位可坐而
拾命不我與天孤人望歲在丁酉二月二日終於靜安
里正寢春秋四十六談者歎其名與位與才與時四者
皆并獨壽不至時輩以爲痛三月二十五日詔贈吏部
侍郎嗣子策密莒羸然銜哀奉喪來歸冬十月甲午卜
葬於洛陽龍門岡先中丞瑩之左禮也先其期論譔功
烈以墓銘乞其父友孝也余欲塞其孝思之誠故錄其

實不華其文銘曰

天地氣和靈芝吐葩德善下鍾才子承家爲言爲行是
構是荷平聲天子謂公濟美忠文駱馬鐵冠俾佐使臣周
爰海隅撫循斯民往踐諸曹亦倅戎車一麾出守言隼
其旗乃推銅樓復登明廬竹花梧葉棲食茲始曷云不
淑今也遄已萬里可到中途而止逝者如斯化往莫留
瑤林瓊樹零落山邱匪石之貞曷紀德休

唐故銀青光祿大夫太子左庶子嚴公墓誌銘

并序

皇唐太子左庶子河內縣子馮翊嚴公諱損之故都督
洮州諸軍事洮州刺史協之孫贈太常少卿方約季子

中書侍郎挺之母

英華作愛

弟家之慶天之休鍾於公躬故

英華有
其字

德備少仕昌世遇權臣惡直官不登三臺晚值

多難安貞不競故位不過郡守官尹前後佐

英華作羽
疑當作翊

兩衛參四府領二縣典七州再入石渠三升

英華作登
龍樓

凡處任十八享年七十六未嘗以利苟合違道從欲用

之則行見機不俟動靜允迪

英華作忠
信是履

勞謙有光廣德

二年六月二十五日終於襄陽是歲八月權窆楚山西

原冢子曰式官至江陵少尹不幸道夭仲子曰士元由

殿中侍御史為尚書虞部

英華有員
外二字

郎少子曰士良領

祕書

三字英華
作祕書省

著作悉能裕父蠱懿文德取公器他日

獨立訓所至也大歷三年歲在

英華作次

戊申五月二十九

日返葬洛陽先塋禮之至者

英華作也

宗人故太常卿向嘗

狀公往行貽諸有司謂公外寬內剛廉正篤敬溫而不

厲直而不訐

英華作輕

學究原本行有枝葉故其適道求友

莅職任事覈其實不居其華初公宰汜水也以莊明慈

惠爲政汜水

英華有之字

人不敢欺而戶口增倍獄訟衰止

御史中丞蕭隱之以狀聞公是以有著作郎之拜其後

歷太原上谷弋陽餘杭丹陽雖風俗殊異治效如一不

曰才乎公在清池會安祿山與當國者交惡公曰難作

矣

英華作難將本矣

遂移疾請告姦黨惡之是以有弋陽之貶

是陽身卷十一
貶之明年河北爲戎不曰智乎涉艱患不辱身踐祿位
不徇名居義處順動罔違吉不曰貞乎嗚呼榮問素業
與時皆逝可稱也而不可追也今採其實錄刻石示後
蓋欲報罔極者之志云

英華作爾其辭曰

君子之道容民畜

英華作和

衆公宰二邑二邑無訟與國共

理

本作此據英華改

惟二千石公七剖竹

英華作符

七著成績乃師

國子司成望苑考藝校德以弼三善中和其心正直是
踐道亞羽翼名掩春華忠以事君孝施於家粲粲令子
鮮侔晨葩若何不弔盛德旣喪音徽永沫士友孤望千
載九原遊者悽愴

唐故尙書庫部郎中榮陽鄭公墓誌銘

并序

永泰元年六月四日尙書庫部郎中鄭公卒春秋四十有九知舊茹痛行路嗟悼謂公口無擇言身無擇行得乾之貞固損之元吉坎之常德明夷之正志宜荷福履俾如山阜而秩止於三百石年不及知天命明神豈予欺乎嗣子正藐然始孩孤窮何怙八月四日葬於先塋宗人家老於是乎以果行實錄賁於豐石禮也公諱寵字若驚榮陽開封人也其先建國命氏有鄭世家言之矣大王父某豐州司馬贈衛州刺史衛州生襄陽令某襄陽生臨汾令某臨汾生郎中純懿休祉之所叢也貞

亮忠厚仁讓孝敬融明而溫性與道并二十舉明經高第解褐鄴尉太尉房公之由鄴郡而爲右扶風也表公茂材擢虢縣令虢土狹而人窳公用教化漬之謂任力不及任人聽訟不及使無訟故以直宏道以信齊政以禮肅墮以讓息競莅止一歲虢人恥格至德二年拜監察御史徙太原戶曹領平遙令真拜太谷其在晉如在虢也詔書勞之錫以命服遷華原令拜尙書工部員外郎而唐人晉人猶歌詠盛德願得公常居其邦莫有由也太原守上其狀詔遷太原少尹未行轉庫部郎中凡歷十官宰四縣一持斧而再起草其政先道德而後刑

法內精辯而外若訥戮力事上吐誠率下罔曲物以直
己罔拂百姓以干名聲唯畏清之知善之彰飲其教者
忻然樂康而不知其惠之所由生也與公遊者靡親靡
疎悉飽醇德而莫見其天機之弛張也其學而知者唯
濟南之書淹中之禮田禾之易胡母之春秋酌其微言
以治其身身之治移於閨門閨門之治移於官官之治
可移於國而壽不可踰於域故位量未半良史無述焉
自古有死彭殤同途獨有其身歿而其名存乎故老之
口此之謂不朽不可以不識其詞曰

剛德干時道家所忌抑抑鄭公直溫柔毅衆人缺缺鄭

公見朴衆人昭昭鄭公若濁布政四邑四邑和樂雷震
風偃物亦允若御史執法郎官草奏鄭公益止德音是
茂於以經術潤色王度宗族敘惇鄉黨歸仁孝謹之風
萬石之門兄也弟也夭夭申申善則無報天地不仁抑
抑鄭公執德之中生不近其名歿不隕其聲于嗟乎鄭
公

唐故吏部郎中贈給事中韋公墓誌銘

并序

郎中諱元魯字穎叔司農少卿德敏之孫衢州刺史魯
縣康公璆之子天寶五載解褐尉邠州新平其後參佐
使臣者五入御史府者三一居專城六爲尙書郎大歷

二年十二月乙酉以吏部郎中終於京師靜恭里之故宅春秋五十有五啟手足之日朋從僚吏親者疎者匍匐雨泣奔之如不及惟郎中寬靜博厚孝友貞儉朴而愿達而好禮氣和於中而博之以文好惡嗜欲發皆中節以誠待人不務智巧雅尙儉慎臨事則虛己應物與道弛張性若踈緩赴急則慘怛之仁形於顛沛誦詩三百不以文自衒在官必聞未嘗近名尤樂閒曠每以丘壑爲己任機事嬰之而未遑也則公之歿也跡負其志壽違其德官屈其量君子以是三者思其人而哀其命公無允子以兄子某爲嗣大歷三年正月癸酉卜窆於

且陽集卷十一
舊瑩初執事者議三府高選欲以給事黃門待公既而弗及僉以爲恨至是詔贈給事中以褒美之且復其言也嗚呼渭水東注時與之俱音容緬然何嗟及矣公之從父兄曰元甫與公友愛之外有知己之道焉故天倫之戚加於人一等謂及忝仲氏之舊故使爲誌云

言罕兼德勇不必仁文行忠信獨鍾於身凡厥正人旣富方穀缺叶於極命故不淑結志方遠爲郎未老孰與若木先秋而槁變化誰宰天地何物目不容瞬盛德如失昨日容徽今如夢焉採君遺塵誌君新阡

唐故河南府法曹參軍張公墓表

有唐逸士吳郡張從師英華作張師非冲和純粹辯博宏達卓

犖好古儻蕩逸羣言不近名唯代耕是謀英華作媒貞不絕

俗以忘機為心秀才高第起家臨濮縣尉歷馮翊伊闕

二縣主簿乾英華作貞非按後上元二年終則此當作乾元元年拜監察御

史中丞鄭炅英華作晏一作昊之擁旄濟江辟為從事轉河南

府法曹參軍凡歷官五政享年五十有八忘懷樂道終

始以之攘臂于爵英華作壽祿聲利得喪虧盈之間如浮雲

無心野鶴獨立形全神全身與化俱上元二年八月辛

卯終於吳郡私第其孤惟儉惟靜能稟暮訓弱歲皆精

左氏穀梁春秋藐爾在疚零丁何恃英華作怙是季弟祕書

五亦有生齋校本

省正字曰從申迺茹天倫之哀謀及卜筮以是歲九月

二十八日權窆於虎丘山之西原禮也初公祖損英華作捐

同之隋大業中進士甲科位至侍御史尚書水部郎損

之生烈考法英華作法以碩學麗藻名動京師亦舉進士自

監察御史為會稽令文雅之慶施於後昆故擢秀才而

衣繡衣者及公三葉君子以為榮少好英華有學字黃老且

修禪慧晚節持英華作傳六經微言以遺三子三聖之學不

墜於地君子以為博談諧不羈頡頏傲世視軒冕纓紱

如如字英華作無非塵埃必也臨事能斷義形於色推賢進善

不進不止君子以為達當伊川啟戎歷陽為魚公力窘

身陷者至於再涵泳鼎沸

英華作沸鼎是

厲揭橫流而迹無緇

磷憂患不能及君子以爲智宜享黃髮而升青雲天胡
降兇殲我仁人嗚呼先生往無返期談藪清風詞林逸
韻墨池真草三事永絕凡今朋友可勝痛哉

英華作慟乎

恐

後代邱隴將平川澤相失求遺跡者莫知德音之所始
乃志之以石永爲靈表

毘陵集卷第十一終

以正之

以力取之

以道取之

以義取之

以禮取之

以智取之

以勇取之

毘陵集卷第十二

朝散大夫使持節常州諸軍事守常州刺史賜紫金魚袋獨孤及

墓誌下 十一首

唐故右金吾衛將軍河南閻公墓誌銘 并序

唐故范陽郡倉曹參軍京兆韋公墓誌銘 并序

唐故商州錄參軍鄭府君墓誌銘 并序

唐故虢州宏農縣令天水趙府君墓誌

唐故衢州司士參軍李府君墓誌銘 并序

唐太府少卿兼萬州刺史賀若公故夫人河南

元氏墓誌銘 并序

唐新平長公主季女姜氏墓誌銘 并序

唐前楚州司馬河南獨孤公故夫人博陵崔氏

墓誌銘 并序

唐司直博陵崔公故夫人趙郡李氏墓誌銘 并序

唐萬年縣尉崔肅洌故妻李氏墓誌銘 并序

唐故天水趙琚墓誌銘 并序

唐故右金吾衛將軍河南閻公墓誌銘 并序

公諱用之遠祖曰文周昭王瑕之昭 英華作昭後也生英華作昭生

而手有文曰閻康王奇之命封閻城文四十五代孫滿

仕後魏太祖為諸曹大夫自馬邑家河南其裔孫慶在

隋爲少司空慶生毘毘生立本立德唐永徽中立本爲
中書令立德爲工部尙書立德生元邃以司空尙書之
餘裕也官至澤州刺史邃生巨源嘗宰射洪有仁政射
洪人詠歌之公射洪第二子也溫毅遜直廉恪寬信讀
論語老子周易被服其教初仕彭州參軍嘗攝督郵一
日糾按本州憊英華作譽謬不法數十事太守徐知人以爲
材後有詔擇舍人以公魁偉爽晤英華作悟有醞籍乃登其
選會戎英華有師字侵我天子方愛人息戰將以辭讓屈之
詔公使西域英華作戎以王命喻禍福戎人頓首請罪介馬
不汗戈鋌不用而虜軍却遷右衛郎將知引駕仗金吾

將軍李質上殿不解佩刀公呵下殿陛請按以法左右

皆震悚自是環衛加肅先是有司以三衛執扇登殿引

蹕公奏曰三衛皆趨悍有材力不當升階陛邇御座請

以宦者代上曰可遂為故事天寶二英華年冊拜公長

女為皇子義王玘唐書作玘如加公左驍衛將軍遷榮英華作義

王傅初元宗懲諸侯王之國任事率英華作或多驕蹇不奉

法度而人英華無受其害故開元之後皇子皇孫雖荷

封建之命未嘗離阿保之手悉無出宮閣英華作闕任卿大

夫者公以為王居深宮則傅相職廢上疏陳古義謁請

諸王英華作謁諸侯王申輔導之禮議雖廢格上以為忠公已

白首位爲將軍諸侯傅太夫人尙無恙以銀印赤韞侍

朝夕膳色難無違時人榮之太夫人捐館舍禮五十不

毀公泣血死孝英華作泣血三年既免喪天子復目以端士四字

英華作因以宮端事俾傅壽王加朝散大夫上幸英華作在溫泉經時

未還宮京師人望屬車咸懷英華作惟怨思公獻四言詩十

二章六字英華作四十字言二諷諫優詔褒歎後遷左金吾將軍天

寶十五載二京覆沒公爲虜所獲明年戎師英華作陳奔然

後以初服歸至德五字英華作初秋歸主非後二年十二月終於京

師春秋五十九夫人雍州司倉參軍博陵崔脊言之女

專靜冲懿慈惠而明用德英華作從禮以佐君子有古風烈

亦天鍾其仁不遠其算年若干月日歿於私第歿六載

而公薨俱權窆

英華作厝

少陵原有四子寧

英華作定彙世系表止作定

察宰宣以家之不造世故之無寧

英華作定

歲也銜恤茹血

不克喪事者九載廣德中案以監察御史領高陵令明

年辭

英華有縣字

職始卜葬

英華作筮

於故原吉乃歲在丙午十

一月日遷兆合祔焉嗚呼惟音形事業悉如

英華作知

化往

獨陳迹與

與字英華作可知

邱墓存焉非金石則無以示久遠

故表而銘之孝子之志也其辭云

郁郁金吾洵美且溫

英華作靜

事君之忠資於愛親

英華作敬

以

德資身其祉宜繁彼美輔佐儀彤闈門禮樂是悅孝慈

是敦百歲之後合德九原獨以令軌

英華作範

垂諸後昆

唐故范陽郡倉曹參軍京兆韋公墓誌銘

并序

永泰二年五月七日有唐故衢州刺史魯縣子京兆韋
璆第三子范陽郡倉曹參軍諱元誠葬於少陵原先塋
夫人范陽盧氏祔焉從周禮也公少時爲坊州參軍歷
襄州司法試守棗陽縣令真授蒙城令凡五遷至范陽
倉曹初安祿山以范陽叛劫脅元元以殺整衆士之因
官因居而困窘顛躓墮圍中者數千計凶威所及不死
則汚公掾吏也在僞署伍中溷跡佯狂冀以病免盜憎
之乃加害焉春秋若干夫陽九厄會天地鞠凶燎火炎

炎玉石何訴是歲天寶十五年也嗚呼人皆筮仕必以
廉平公幹稱於州里人誰無死死則名不辱志不奪不
嚙盜哺以易其生生且不苟其事君事親之禮不待史
氏而自明矣在官必聞則居家正身與朋友臨財之節
可知矣有子曰彤龍鍾崎嶇於阻險之中十年不克返
葬哀有何極歲在乙巳冬某月始跋涉太行恆山之路
以公之喪至自某郡公季弟吏部郎中元曾旣得吉卜
痛天倫之懽莫之追也願以兄之忠於君恪於官友於
家之德之美以播後嗣庶幾陵岸遷而德音不磨謬以
及爲習於禮者故使爲志其辭云

天地橫隕三象霾

英華作霧是

兮梟獍擇肉鸞鷲懼兮明夷

於飛罹其故兮美玉寧折質不汚兮子子孫孫荷餘裕

兮

唐故商州錄事參軍鄭府君墓誌銘

并序

公諱密字慎微滎陽開封人也初韓哀侯滅鄭羣公子奔陳宋閒始以國爲氏惟桓公武公之德盛故國除而其姓彌大歷漢魏晉迄於今冠冕婚姻世莫與京公其裔也齊中書監南充州刺史諡曰平諱述祖公之六代祖國朝衛州刺史府君諱某公之大王父也博州刺史府君諱某晉州臨汾令贈太常少卿府君諱某公之祖

禰也公貞方介直勤而愛人初仕趙州柏鄉尉所莅不
過一扁而政行一邑廉使省風俗至趙趙父老率吏人
數千遮道稱公之能識者避公材且得衆滿歲歸洛陽
家於鳴臯山南趣深險以避安祿山之難親故數百家
攜老幼往依之公悉發寶窖無親疎皆仰給餓者窘者
得公全活先是累歲力耕致粟至千斛至是而盡談者
稱公之義二京返正天子選賢守相令長將蘇瘡痍之
人殿中侍御史王政以公充賦拜商州洛南令數月訟
平賦均監察御史李椅殿中侍御史王延昌御史中丞
元公載竝表言其狀詔書褒稱加公壽王府戶曹參軍

洛南如故無何遷上津令專知轉運水陸漕輓邦都移
用賴公而濟徙大理評事商州刺史盧浦以公前後課
積條奏遂以本官兼商州錄事參軍御史中丞王延昌
表公才任御史奏未下會疾終於位春秋五十是歲廣
德元年八月七日也其年權窆於商州夫人清河崔氏
某之女生子雅弟幹大歷九年歲次甲寅十一月某日
返葬於洛陽北邙山某原禮也公世業尙文伯仲皆才
公尤深於詩言合麗則究緣情之美天性孝悌檢身端
方居官廉恪其家道足以勸所不至者位止於中士壽
不過知天命命矣夫公母弟尙書刑部郎中宣祕書省

著作郎寶以其兄之德善授牘於及及跪讀三復敢以
實錄刻石其辭曰

緇衣之宜敝予改爲蔚彼明德蔭此本支乃公乃侯典
則是貽藜社於公實生令儀試吏柏仁嶷然忠規清不
奪節剛不干時以道蒙難處險若夷臨財務施依者如
歸匪愛千鍾仁爲吾師亂已運開乃從繫維先禮後刑
以牧煢嫠商於之家肥俗移督郵廷評九仞之資曷
云不淑命夭功虧明略未申詒痛所知吉凶匪忱今古
同悲桐鄉之愛懷縣之詩令聞顛顛子孫承之

唐故虢州宏農縣令天水趙府君墓誌

府君諱令則字某天水人也其先造父實佐周穆有平
徐偃王之勲因封命氏至晉而大以成季宣孟之慶故
家化爲國及武靈而稱王語在太史公趙世家秦滅諸
侯使趙王嘉子公輔主西戎戎人懷之子孫因家隴西
世爲天水著姓其源遠矣曾祖元楷隋殿中監工部尙
書淮安公祖崇基國朝岐州郿縣令符璽郎右衛長史
烈考慶逸正議大夫許州長史府君長史第二子也好
古博學涉獵百家之言善屬文尤注意詩賦外剛毅峭
直內溫良而仁率由天性果於行己起家幽州薊縣尉
敏洽強濟聞於河朔以直道事人忤幽州刺史張守珪

貶封州開建縣尉遇赦遷建州建安縣丞稍移湖州安吉縣丞天寶九載選授虢州宏農縣令宏農旬服也地邇賦殷號爲難治府君治之如治家刑以肅淫息德以哀鰥寡爲政朞年邑民知方三歲績成人無不均不安之患虢人頌之解龜後貧無餘資因遊方河朔會天寶十五載幽都爲戎薦瘞鍾運明夷垂翼至德二載某月日遇疾終於某州春秋若干嗚呼民莫不穀我獨百罹才如府君胡不朋三壽綏百祿而生世坎壈歿身喪亂若之何不弔命矣夫夫人河南獨孤氏朝議大夫汝南郡長史府君之孫武功縣丞府君之女明哲柔懿實天

生德結悅宜室四十有四載內修法度輔佐君子躬勤
慈儉以化閨門趙氏之家肥族睦繫夫人是賴有子若
千人訓以義方咸能被服文藝幹父之蠱使有德者必
壽夫人宜登期頤柰何不淑遽奪長算天實不信人烏
徼福大歷十年五月二日寢疾終於郿縣官舍春秋六
十有七嗚呼哀哉長子湖州安吉縣丞琪琪弟某官瓊
蘇州嘉興縣丞澄太子舍人兼京兆府郿縣令玕晉州
臨汾縣尉珮臨晉縣尉珣珣弟玘是歲秋八月某日奉
府君夫人之喪合祔於京兆某原禮也府君有集若干
卷遐遠之志見於詞矣若言行才業官族歲月非銘無

以示後裔也故著於石

唐故衢州司士參軍李府君墓誌銘

并序

公諱濤皇唐太祖景皇帝六代孫也曾祖道立嘗典陝
濟陳三州刺史封高平郡王祖景淑畢國公父仲康官
至尙書主客郎中楚州刺史世秉懿德爲公族領袖語
在皇室譜公純孝忠厚貞信廉讓直而遜明而晦朴而
不固靜而應物克己復禮時然後言策名居官清畏人
知弱歲好學篤志經術專戴氏禮晚節耽太史公書酌
百代之典故以輔儒道以經明行修宗正寺舉第一初
仕許州臨穎縣主簿歷宋州宋城縣尉皆以恭寬信惠

聞於千室議黜陟幽明者謂公文行吏事宜登三臺會
河朔軍興避地江表相國崔渙承詔署衢州司事參軍
於時五府辟召之權移於兵閒務苟進者多由徑而致
顯位公儉德正志安貞俟時未嘗以得喪夷險懲芥方
寸視榮辱晏如也論者高之乾元二年某月日寢疾終
於揚州春秋若干某月日權窆於衢州嗚呼仁可以師
表搢紳而無貴仕禮可以軌範風俗而不遐壽沖用休
績卷而未形溘焉化往使善人相弔嗚呼哀哉公歿後
十有二載從父弟涵以宗室柱石爲御史大夫按節江
東痛仁兄生不登公侯卿大夫之位歿不備踰月外姻

至之禮遂茹哀筮日減月俸以庀喪具由是大歷九年
夏四月二十七日公長子居介及居佐居敬居易奉公
之輜柩歸葬於洛陽先使君夫人宅兆之側凡今孝乎
唯孝友于兄弟者於此乎觀禮及謂知公者宜莫若懿
親今將以無媿之詞申報幽路故作銘以紀於石其辭
曰

天地方否君子安卑世道旣夷隙駒莫追仁而不壽才
旣無施積善必慶天何余欺襜襜裳帷沂江絕淮蒼蒼
故山玉樹斯埋死喪之戚弟兄孔懷令德家風與天壤
偕

唐太府少卿兼萬州刺史賀若公故夫人河南郡

君元氏墓誌銘

并序

夫人諱某魏景穆皇帝九代孫也祖諱某皇朝議太子少保父諱某克荷前烈不幸早世夫人在孕而孤鞠育於叔父相國潁川公天機聰明生知仁孝被服法度綜習文史年十四嫁河南賀若璿璿積功勞剖符爲郡夫人輔佐以副笄宜室能睦其族且勸以義而風藻禮範儀形閨門晚節厭離心垢嚴持禪誦而道機未宏壽量有極永泰元年三月某日終於渠州享年若干嗚呼以夫人之柔明孝慈溫惠淑茂況承景穆之餘裕少保之

貽則季父當國良人專城河潤澤及福綏宜遠胡弗眉
壽鍾是短歷穎川公之慟其可既乎大歷二年二月二
十二日反葬於京兆鄠縣之某原宜列景行詒於彤史
恐陵岸或遷音徽將沫故月而日之銘諸金石蓋猶父
之志也其辭曰

人亦有言天祚明德於嗟邦媛未階壽域家節既成蕙
牙方植仁而無報爲善者惑夜臺超忽神斯冥默貞石
有磷德音罔極

唐新平長公主故季女姜氏墓誌銘

并序

乙巳歲四月二十六日有唐新平長公主季女姜氏卒

於京師昊天觀五月六日葬於某原長公主歎季女姿
度榮茂溫惠淑慎能修女師之訓動中禮範其曾祖柔
遠位至尙書地官侍郎祖皎以勲舊歷太常祕書剖符
封楚其父慶初能踐修祖考之耿光嗣爵舊國復居太
常元宗其外王父也肅宗其舅也天池波瀾澤潤本根
謂德鍾下錫祉與壽宜君子家室且貽芳於彤管乃未
筭而天命也夫嗚呼窈窕專柔含德而未形雖當鵲巢
小星采蘋殷雷之德今已矣夫史氏茂由記之矣長公
主之慟其庸可及乎故月而日之銘諸堅石其辭曰
思變季女生於公族稟懿德兮天世其祿不遐其福胡

不淑兮彭殤同躅數不可續哀靡極兮

唐前楚州司馬河南獨孤公故夫人博陵崔氏墓

誌銘 并序

夫人諱某博陵平安人也曾祖恭禮國朝駙馬都尉延
齊易三州刺史封博陵郡男祖興宗饒州長史考雋毫
州臨渙縣丞夫人少孤在家以純孝稱旣笄莊明而賢
柔順有識年若干歸於獨孤氏奉蘋藻供祭祀事長撫
幼糾合宗族敬恭而誠孝愛備至動必由禮非法度未
嘗踐也生子四人教之以義方夙夜貞厲家道以正娣
姒服其義親戚稱其慈天不降衷於我大歷八年十一

月某日享年若干歿於壽州少長行哭六姻涕泗傷夫
人有宜室之美勸義之明而司命奪其長算使德與壽
反嗚呼哀哉明年十一月日公使長男勣奉夫人之喪
返葬京師某原先塋之側禮也刊石以誌庶德不朽其
銘曰

夫人之德柔明淑慎從夫以禮承筐以順奉若家節率
由彛訓遐福是期溘至何迅謂仁者壽天實不信同塵
彭殤歸根大運於以刊石永播淑聞

唐司直博陵崔氏故夫人趙郡李氏墓誌銘

并序

夫人諱某趙郡人也皇朝德州將陵縣令銛之長女天

生柔懿韶訖知禮年十六歸於崔氏丕承宗祀虔恭中饋謙敬恭儉貞固淑溫閨門化之宗族以睦生一子年十一而殤有女四人長女夭於襁褓次女適范陽盧履純第三女適河南獨孤及年若干早世少女適樂安蔣鎮皆柔明好禮淑慎有德循度勸義雖造次不違仁實夫人之教訓也輔佐君子三十有九年夙夜靡違家道以正向使神祈正直天報德善宜登期頤與君子偕老嗚呼不造春秋五十四而歿凡所顧復太半道夭撒琴瑟之日無兒主祭德與事反哀有何極嗚呼哀哉是歲十月某日卜宅兆於某山某原追紀往行以志幽石禮

也及忝婚姻之故嘗瞻清懿逝歿相尋報德靡及敢不備書實錄期於不朽其辭云

莊敬柔順婦行之極抑抑夫人秉是懿德衿鞶爲戒蘋藻惟職四始之美六姻是式仁而必報當躋壽域天實匪忱古今同惑變化忽怳音徽冥默闡右遺範是效是則

唐萬年縣尉崔肅冽故妻李氏墓誌銘 并序

夫人其先隴西人也皇唐高平郡王道立之元孫畢國公景淑曾孫祖仲康開元中爲尙書主客郎中楚州刺史父濤以貞信篤行爲宗室冠冕歷宋城尉衢州司士

參軍而歿德重而位不稱啓手足之日爲守道所痛夫
人吾之姊子也稟氣於家君之中和母氏之柔明故姿
度淑茂恭儉謙順天性孝慈聰慧有識讀書善鼓琴造
次必以禮自持莫見其喜怒之容言歸於崔以德宜夫
事姑禮節儀刑閨梱輔佐之美六姻是瞻有識者謂當
有鵲巢之貴鮒背之壽天則反是使春秋二十七而終
醫不至歟命有極而然歟適來適去皆忽然與吾痛且
惑傷悼之不足故形於文且遂爲志其文曰

爾德爾容天實爾鍾爾志爾年天胡不從勸義孤望歸
安跡絕哀哀母氏泣盡繼血刻字此石紀爾芳烈

唐故天水趙琚墓誌銘

并序

琚字遙憐宏農令府君第五子厥生之初會府君先有封州之役契闊萬里愛而不見故遙以字之太夫人顧之復之訓視加等及長溫厚孝謹文敏好學美姿儀有材藝戊戌歲十月以櫛縱筭總從府君徙河十一月卒於深州嗚呼未婚未祿夭歿是絕不見其成六姻所痛大歷五年八月某日葬於洛陽先府君塋之次禮也其銘曰

彭氏殤子其壽未易歎子之往死生艱蹟末如之何刻石以記

八

...

...

...

...

...

...

...

...

...

昆陵集卷第十二終

...

毘陵集卷第十三

朝散大夫使持節常州諸軍事守常州刺史賜紫金魚袋獨孤及

集序 三首

檢校尚書吏部員外郎趙郡李公中集序

唐故左補闕安定皇甫公集序

唐故殿中侍御史贈考功郎中蕭府君文章集

錄序

讚 六首

蘇州刺史兼御史大夫襄武李公寫真圖讚

尚書右丞徐公寫真圖讚 并序

楊起居畫古松樹讚

張侍御寫真圖讚

佛頂尊勝陀羅尼幢讚

并序

觀世音菩薩等身繡像讚

并序

檢校尚書吏部員外郎

英華無九字

趙郡李公

一作華

中

集序

志非言不形言非文不彰是三者相為用亦猶涉川者

假舟楫而後濟自典謨缺雅頌寢世

文粹作王

道陵夷文亦

英華作教

下衰故作者往往先文字後比興其風流蕩而不

返乃至有飾其辭而遺其意者則潤色愈工其實愈喪

及其大壞也儷偶章句使枝對葉比以八病四聲爲格

拳拳拳

文粹無二字

守之如奉法令聞臯繇史克之作則呬

然笑之天下雷同風驅

英華作馳

雲趨文不足言言不足志

亦猶木蘭爲舟翠羽爲楫玩之於陸而無涉川之用痛

乎流俗之惑人也舊

英華作久

矣帝唐以文德專祐

英華作久

于

下民被王風俗稍丕變至則天太后

四字文粹作天后

時陳子

昂以雅易鄭圓

英華作學

者浸而嚮方天寶中公與蘭陵蕭

茂挺長樂賈幼幾勃焉復起振中古之風以宏文德

二語

英華及文粹俱作用三代文章律度當世

公之作本乎王道大抵以五經爲

泉源抒情性以託諷然後有歌詠美教化獻箴諫然後

有賦頌懸權衡以辯天下公是非

原本無非字 据文粹增

然後有

論議至若記敘編錄銘鼎刻石之作必採其行事以正

褒貶非夫子之旨不書故風雅之指歸刑政之本根

英華

作根

忠孝之大倫皆見於詞

英華於詞下有然後中 古之風復形於今十字

於

時文士馳騫颺扇波委二十年閒學者稍厭折楊

英華 作抑

揚

皇華而窺咸池

英華 作韶

之音者什五六識者謂之文章

中興公實啟之公名華字遐叔趙郡人安邑令府君第

三子質直而和純固而明曠達

文粹 作遠

而有節中行而能

斷孝敬忠廉根於天機執親之喪哀達神明其

英華 作而

任

職釐績

英華 作務

外若坦蕩而內持正性諫不犯顏

英華 作謙而不

犯見義乃勇舉善唯懼不及務去惡如復讎與朋友交

然諾著於天下其偉詞麗藻文粹無藻字非則和氣之餘也學

博而識有餘才多而體愈迅每述作筆鋒二字英華作則筆端風

生聽者耳駭開元二十三年舉進士天寶二年舉博學

宏詞皆為科首由南和尉擢祕書省校書郎八年歷伊

闕尉當斯時唐興百三十餘年天下一家朝廷尚文夫

羿工乎中微拙於使人無己譽公才與時并故不近名

而名彰時輩歸望如鱗羽之於虬鸞也十一年拜監察

御史會權臣竊英華有政字柄貪猾當路公入司方書出按

二千石持斧所嚮郡邑英華作列郡為肅為姦黨所嫉不容

於御史府除右補闕祿山之難方命圯族者蔽天聰明

勇者不得奮明者不得謀公危行正詞獻納以誠累陳

誅兇渠完封疆之策闢犬迎吠故書畱不下時繼太夫

人在鄴初潼關敗書聞或勸公走蜀詣行在所公曰柰

方寸何不若文粹無閒行問安否然後輦母安輿而逃

謀未果為盜所獲二京既復坐謫杭州司功參軍文粹

功二太夫人棄敬養公自傷悼以事君故踐位亂而不

能安親既受汙非其疾而貽親之憂及隨牒願終養而

遭天不弔由是銜罔極之痛者三故雖除喪抱終身之

戚焉謂志已虧文粹息陳力之願焉因屏居江南二字

英華

作江
淮間

省躬遺名誓心自絕無何詔復授左補闕又加尙

書司封員外郎璽書連徵公卿已下傾首延佇至止之

日將以司言處公公曰焉有隳節奪

英華作辱

志者可以荷

君之寵乎遂移疾

英華作稱病

請告故相國梁公峴之領選

江南也表為從事加檢校吏部郎中

文粹無中字

明年遇風

痺徙家於楚州

英華作楚州山陽縣文粹作山陽

疾痼

英華作痛

貧甚課子

弟力農圃贍衣食

英華作服

雅好修無生法以冥寂歷

文粹無歷

是字

思慮視爵祿形骸與遺土同唯吳楚之士君子譔家

傳修墓版及都

英華作郡

邑頌賢守宰功德者靡不齎貨幣

越江湖求文於公得請者以為子孫榮公遇暇

英華作勝

日

時復綴錄以應其求過是而往不復著書少時二字英華作素

所著書多散落人閒自志學至校書郎已文粹作以前八卷

并常山公主誌文竇將軍神道碑崔河南生祠碑禮部

李侍郎碑安定三孝論哀舊遊詩韓幼深避亂詩序祭

王端員外沈起居興宗裴員外騰文別元亘詩并楊騎

曹集序王常山碑竝因亂失之懷玉按自志學至失之八十六字從文粹及英

華補名存而篇亡自監察御史已後所作頌賦詩歌碑表

敘論誌記贊祭凡一百四十三篇公長子羔字宗緒編

為二十卷號中集其中陳王業則無疆頌主文而譎諫

則言鑿含元殿賦敦禮教則哀節婦賦靈武二孝讚表

賢達盛德則崔賓客集序元魯山碣房太尉德政碑平
原張公頌梁國李公傳德先生誅權著作墓志李太夫
人傳盧夫人頌一死一生之閒杼其交情則祭蕭功曹
劉評事張評事文吟詠情性達於事變則詠古詩思舊
則三賢論辨卿大夫之族姓則盧監察神道碑思自敘
則別相里造范倫序詮佛教心要而合其異同則南泉
真禪師左溪朗禪師碑其餘雖波瀾萬變而未始不根
於典謨故覽公之文知公之質不俟覲容貌聽詞氣假
令束帶立於史臣之位足以潤色王度天而病之時不
幸歟

時不幸以後
文粹絕異

公之病也嘗以斯文見託詒某書曰

桓譚論揚雄當有身後名華亦謂足下一桓譚也及於公才宜播其述作之美明於後人故拜命之辱而不讓

今著其文德冠於篇首焉

自監察御史已後迄至于今所著述者公長男羔字宗敘

編而集之斷自監察御史已前十卷號為前集其後二十卷頌賦詩碑表敘論誌記讚祭文凡一百四十四篇為中集其中陳王業則無疆頌議世道則原卜論質文論主文而譎諫則言醫舍文殿賦敦禮教則哀節婦賦靈武二孝讚與外孫女二孩書表賢達盛德則元魯山碣房太尉頌德銘崔賓客集序平原張公頌梁國李公傳德先生誄權著作墓表李夫人傳盧夫人頌一死一生之閒杼其交情則祭蕭功曹劉評事張博士文吟詠情性達於事變則詠古詩辨卿大夫族姓則盧監察神道碑思舊則三賢論自敘則別相里造范倫序詮佛敎心要而會其異同則南泉真禪師左溪朗禪師碑其餘雖比與萬變而未始不根於道德故覽公之文知公之質不俟覲容貌聽詞氣而後觀其行若使束帶立於史臣之位具備獻替足以潤色王度正一代之訓典天而

病之國不幸也然遐叔身甚病而心甚壯文益贍而才
不竭則前路逸氣詎可度矣他日繼於此而作者當為
後集及常游公之藩也久故錄其述作之所以然著於
篇○懷玉按自監察御史以下見於文苑英華者如此
而英華注中但載然遐叔以下五十八字與原集公之
病也以下文字互異今備錄之以俟考焉○文粹脫平
原張公頌梁公李
公傳十字餘同

唐故英華無

左補闕安定皇甫公集

二字文粹序

五言詩之源生於國風廣於離騷著於李蘇盛於曹劉

其所自

英華有者字

遠矣當漢魏之

英華無之字

閒雖已朴散為

器作者猶質有餘而文不足以今揆昔則有朱絃踈越

大羹遺味之歎歷千餘歲至沈詹事宋考功

英華作員外

始

財成六律

英粹作呂

彰施五色使言之而中倫歌之而成聲

緣情綺靡之功至是乃備雖去雅寔遠其麗有過英華作近

是於古者亦猶路鼗出於土鼓篆籀生於鳥跡也沈宋

既歿而崔司勳顥王右丞維復崛起於開元天寶之間

得其門而入者當代不過數人補闕其人也補闕諱冉

字茂政元晏先生之後英華有也銀青光祿大夫澤州

刺史諱敬德之曾孫朝散大夫饒州文粹無銀青樂平

縣令諱价之孫中散大夫文粹無潭州刺英華作長史諱顥

之子十歲能屬文粹無文十五歲文粹無而老成右丞

相曲江張公深所歎異謂清穎秀拔有江徐之風文粹無謂

下十伯父祕書少監彬尤器之自是令問休暢舉進士

第一歷無錫縣文粹無尉左金吾兵曹今相國太原公

之推轂河南也辟為書記大歷二年文粹遷左拾遺轉

右文粹補闕奉使江表因省家至丹陽朝廷虛三署郎

位以待君之復不幸短命年方五十四而沒嗚呼惜哉

君忠恕廉恪居官可紀孝友恭讓自內刑外言必依仁

交不苟合得喪喜慍罕見於容故觀君述作知君所尚

以景命不永斯文未臻其極也蓋存於遺札者凡三百

有五十篇其詩大略以古之比興就今之聲律涵詠風

騷憲章顏謝至若麗曲感動逸思奔發則天機獨得非

師資所獎每舞雩詠歸或金谷文會曲水修禊南浦愴

別新意文粹作聲秀句輒加於常時一等才鍾於情故也君

母弟殿中侍御史英華無五字曾字孝常與君同稟學詩之

訓君有誨誘之助焉既而麗藻競爽盛名相亞同乎聲

者方之景陽孟陽孝常既除喪懼遺製之墜於地也以

及英華作子與茂政前後為諫官故銜痛編次文粹作集以論譏

見託遂著其始終以冠於篇

唐故英華無二字殿中侍御史贈考功郎中英華無五字蕭

府君英華作蕭君文章集錄序

足志者言足言者文八字英華作詩者志之所之也情動於中而形於

聲文之微也粲於歌頌暢於事業文之著也君子修其

詞立其誠生以比興宏道歿以述作垂裕此之謂不朽
侍御諱立南蘭陵人也御史中丞汝州刺史府君之仲
子奕世純嘏英華作厚及公始大襁褓克岐十五而立神靜
氣和才與道并孝悌忠信以爲己任行有餘力故幼而
學文嘗謂揚馬言大而迂屈宋詞侈而怨恫其流者或
文質交喪雅鄭相奪盍爲之中道乎故夫子之文章深
其致婉其旨直而不野麗而不艷天寶元年詔徵賢良
方正以備多士公時年十七射策甲科盛名翕然震誼
英華作怛京邑論者知遠大之跡自此始也旣而荏苒宦途
遭遇世故歷佐戎幕周旋江海攸徂之邦必聞其政嘉

謨成績藏在諸侯之策既言中彝倫亦動與吉會由是

自廷評尉拜監察御史轉殿中侍御史三字英華作丞觀其逐

逐利往冥冥翰飛方將乘驚風以騁驚視青雲如咫尺

天道何善而無報與其才而不與其壽成其器而不成

其志命矣夫斯才也而有斯年也公之元兄尙書庫部

員外郎兼侍御史曰某與公俱以文學政事為臺閣領

袖丹穴之雙鳳纔舉棠棣之一花先落天倫之慟可勝

既耶以公瑰姿瑋英華作璞度利器淑德與東流皆逝今則

已矣可以藏遺芳以示後嗣者其唯夙昔麗藻平生翰

墨乎於是茹痛開緘英華作收杖血散帙緝其遺札得詩賦

贊論表啟序頌銘誄誌記凡若干篇編爲五卷以爲集
錄庶幾弔賈生者省鵬集之日問相如者知禪草
英華作封
禪猶存云爾

蘇州刺史兼御史大夫襄武李公寫真圖讚

作績精至於藝懸解擬公德容

四字英華作擬公之德容

與化同製

獨立正色神和氣邁婉兮清揚若聞嘉話公綽不欲仲
山匪懈形乎懿範觀者目駭百城仰止羣吏倣戒成務
安民亦猶此

英華作畫

尚書右

文粹作左非

丞徐公寫真圖讚

并序

侍御史韓公志

英華作至

清以學藝書畫之美聞於天下辛

丑歲三月以王事靡盬館英華於豫章與前尚書右丞

徐公同舍於慧命英華寺之淨室室一作宇嘗以暇日裂素

灑翰寫英華徐公之容英華陳於公之座隅而美目方

一作箕口和氣秀骨毫釐無差若分形於鏡入自外者或

欲擊蹠曲拳文粹俯僂拜英華謁不知其畫也衆君

子嗟嘆之不足則言以讚其美及亦繼唱於後二字一作其

讚英華日文粹無讚作詞日二字

哲匠運思天姿是具假之筆精實以神遇居然成象豁

若披霧瞻仰一作瞻神鋒如窺武庫婉婉高識昂昂獨步

絕頂孤松空陂英華白鷺不犯之色匪躬之故孰知造

文粹
作其化亦在毫素

楊起居畫古松樹讚

道在毫末神凝意注闖然物生千歲古樹龍蟠盤屈精
魅固護霜封雪埋翠幄如故宜構大厦胡爲中路豈猶
有待公輸之顧落落貞姿傳之繪素

張侍御寫真圖讚

堂堂乎張洵美且恭執法柱下分形畫工玉立天

英華
作冰

姿霜淬神鋒武庫森戟寒山勁松方彈獬豸以佐夔龍
他年雲臺與古同風

佛頂尊勝陀羅尼幢讚

并序

道無形相心

英華作不離

文字非言無以導引故諸法生於

假名非智無以調伏故大音傳於密教茫茫五濁客塵

覆之根識相緣生滅相隨世未

英華作王

有為之牢獄二乘

求惠而著空十地

英華作住

見性而弗

英華作不

了微我智印侯

誰司南敦

英華作故

如來以大悲自定之慧力示惣持無畏

之祕藏雲覆世界雷震羣有淨除我垢令入法性設字

英華作宗

根本假文以筌意也足聲齒舌因音以見法也以

十四音

英華作意攝

一切智雖入無漏而不捨有為即色以

證空也奉之者惡趣固可使開

英華作關

閉黑業必為之清

淨况勝緣乎初太保韓國苗公以兩朝秉鈞所積廩賜

顧命英華作命宗子家老曰喪祭之餘以庀功德於是我相

國穎川公將演成公宏誓之果也五字英華作宏恩廣慧是以樹

因此幢韓公生代天工德本植焉歿無鬼責惠牙滋焉

而穎川公猶興哀於絕絃之地將乞靈於無我之法度

英華作庶俾法雨雨公身田故琢貞英華作堅石以刊微言仰之

贊之如揭日月烏戲墨點之界有極鐵圍之山有壞唯

梵音與法印等空虛而無窮則公之前際疇可宏英華作彌

英華作宏度其辭曰

六趣輪轉根塵相刃死生變化如響如瞬英華作如嚮如勝何

用拯溺揔持祕印道罔不在宏之者人乃經英華作繼靈幢

昆凌集卷十三
十一亦有生齋校本

公子之英華因贊持大力啟迪迷津天魔遁形地獄開

門拔箭解縛如日破昏韓公善根與石長存

觀世音菩薩等身繡像讚 并序

元年建寅月前相州安陽縣令何昌系以是月甲子當
受生之辰痛欲報而罔極哀見在之無住願非大雄之
慈法雲之悲則莫能救拯我無明苦果敷祐我宏誓願
力乃彰施五色以刺繡成文寫菩薩之真相等觀音之
全身於是乎諦觀眸英華容瞻仰聖位知海潮之梵音
不遠蓮花之法座英華可識將令功德池水漑灌英華
漑其三業菩提根牙發生於一雨至哉安陽之樹善也

宏矣欲廣其善利以偈讚云

英華作曰

法雲垂蔭光破黑業五眼周視四魔怖懾以色觀空於

相見法永殖慈

英華作茲

緣恆

英華作河

沙億劫

毘陵集卷第十三

臣等謹將各省錢糧
 數目開列於左
 一、山東
 一、山西
 一、河南
 一、陝西
 一、四川
 一、廣東
 一、廣西
 一、雲南
 一、貴州
 一、福建
 一、浙江
 一、江蘇
 一、安徽
 一、江西
 一、湖北
 一、湖南
 一、四川
 一、廣東
 一、廣西
 一、雲南
 一、貴州
 一、福建
 一、浙江
 一、江蘇
 一、安徽
 一、江西
 一、湖北
 一、湖南

毘陵集卷第十四

朝散大夫使持節常州諸軍事守常州刺史賜紫金魚袋獨孤及

序上二十

送張徵君寅遊江南序

送李白之曹南序

送張處士申還舊居序

宋州送姚曠之江東劉冉之河北序

送張泳赴舉入關序

送史處士歸滏陽別業序

送開封李少府勉自江南還赴京序

送陳畱張少府郎東都赴選序

送弟恂之京序

送韋評事赴河南召募畢還京序

奉送元城主簿兄赴任序

送廣陵許戶曹充召募判官赴淮南序

仲春裴胄先宅宴集聯句賦詩序

并詩

鄭縣劉少府兄宅月夜登臺讌集序

華山黃神谷醮臨汝裴明府序

按圖經仙人黃盧子得道昇仙

之所原註

建丑月十五日虎邱山夜宴序

冬夜裴員外薛侍御置酒宴集序

送宇文協律赴江西序

送賀若員外巡按畢歸朝序

送長洲劉少府貶南巴使牒畱洪州序

送王判官赴福州序

送薛處士業遊廬山序

送張徵君寅

英華無寅字

遊江南序

初貞元二年進賢星明於是夫子與廣陵馬曾俱以元

纁辟焉一命而俯受服赤墀之下子甘

英華作守

節不奪歸

耕南陽議者稱馬之利用陋子之獨善及以爲不然君

子之道舒之則雲蒸雨降以救大旱卷之則天倪道機
不盈一握姑務忠信以安聖時則歌國風於猷猷是亦
爲政有民人焉有社稷焉何必薄遊然後稱德至是夏
六月以菰菜之興扁舟而東是行也與夫乘桴揚舲者
不同日矣津樓直望英華作望極江漢在目少別非志士所
悲深衷豈短章能見桃源秋至僕當舉其仙實俟子於
武陵之南溪

送李白之曹南序

曩子之入秦也上方覽子虛之賦喜相如同時由是朝
詣公車夕揮宸翰一旦襍被金馬蓬累而行出入燕宋

與白雲爲伍然則適來時行也適去時止也彼碌碌者
徒見三河之遊倦百溢之金盡乃議子於得失虧成之
閒曾不知才全者無虧成志全者無得失進與退於道
德乎何有是日也出車桐門將駕英華作特之于曹仙藥滿
囊道書盈篋異乎莊烏之辭越仲尼之去魯矣送子何
所平臺之隅短歌薄酒擊筑相和大丈夫各乘風波未
始有極哀樂且不足累上士之心況小別乎請偕賦詩
以見交態

送張處士申還舊居序

海水不揚波久矣故昆蟲草木得遂本性夔益巢許英華

且陽集卷十四
作各安其節天鍾靜於子而博之以文大英華作洞壑無底

虛舟任觸世皆尙白獨守太元顧流俗而不言退將修

乎初服吾於是見全人之操矣乃英華知白雲上下蓋

無心自出黃鶴飛去當有時而來他年孤舟冀再會於

五湖之口

宋州送姚曠之江東劉冉之河北序

春葉尉吳興姚曠至自洛陽中山劉冉至自長安俱以
文博我相與交歡於睢渙之涘始則開青天豁其雲霧
亦旣窺武庫見其矛戟凡旬有五日而姚適吳劉濟河
余歸梁各有四方之事將爲千里之別夏四月抗手於

盧門議別故也夫別與會悲樂存乎其中故賢智所不能遺然達者遊世隨變所適靜而與陰同德動而與陽同波異乎金柅之有繫匏瓜之莫食子其行矣別何爲者北斗在巳南風始來藁臺草長京口水闊何以送遠唯當賦伐木以爲仁人之贈

送張泳赴舉入關序

彼馳騫乎士林者鮮不爭九流之勝負徇三川之聲利而張侯獨以善閉關乃知純白內充天機外朗則塵垢糠粃所不能入癸巳歲六月始以出處之道問仕於余余洒然曰今四表文明八紘屢頓此志士所當登秀造

而取青紫不奮不躍如休明何由是罷琴高臺投竿舊
浦單車匹馬是日西上君子以為知幾吾見垂天之雲
不復顧北溟矣盍使居者歌吾子乎

送史處士歸滏

滏舊譌淦淦水在豫章郡與文不合今改正

陽別業序

初史侯至自

英華作是

帝邱僕方醺酒於蔣氏之館揖讓堂

下由東階升於是一酌而賓禮舉再酌而交態接三酌

而威儀幡幡深衷畢見醉中

英華作裏

投分客中忘形吾固

知握手難常嘉會可惜其聚也言不浹日而意氣感其

散也興未及盡而離憂至則臨觴徙倚孰能不以之黯

然窮陰欲臘漳滏冰厚班馬連嘶歸雲無色非詩何以

見離羣者之志

送開封李少府勉自江南還赴京序

世或謂邦有道穀或謂全於德者不以徇名降志彼於致命猶數數然孰與李侯兩忘而脗合之張其天機與道出處道長則陳力筮仕績成而退藏於密戰勝江海之上然後乘歸流而返舊京乃知凌雲麗天則切玉利器於夫子爲鄧林之一葉耳而精微純粹豈中士所能得其門哉然當今堯親九族契敷五教材之美者工將度之子雖忘機機未忘子庸詎知泥蟠沙臥不爲雲霄之鑿柄乎但蘭舟桂楫倏忽鳥逝朔方

英華作風秋草柰離

憂何緣情者莫近於詩二三子盍詠歌以為贈

送陳畱張

英華有二
十七三字

少府郎東京赴選序

每歲孟春

英華
作冬

大冢宰懸象魏之法以官民材天下髦

士於是乎雲屯詞鋒角立智刃今子投袂而起將鼓行
乎其閒其於湛盧發硎批郅如玉繁弱在手捨拔則獲
者吾惟子之望當知君子廣其業達其道則榮譽貴仕
可得而拾孰云嫋嫋秋風悠悠遠道足為志士之感哉
十七字英華作區區秋風瑣
瑣岐路又足為志士之感哉雜珮可以申永懷罇酒可

以慰別緒其贈言之分顧謂坐者志之

送弟恂之京序

蒼龍居元枵之歲與爾吹埴篔於長安靈臺之下當時

予方青襟子適紈袴各志小學相期大來其後爾以經

術薦遂觀光於

英華作藝乎

上國予牢落兩河爲病所繫星

分雨散十有二載中間暫攜手一笑者及今而三

而三英華

作二年

昨日遊寓今成疇昔此會綿邈空存

英華作在

夢想豈

不欲申橘柚之性詠和樂之什樂未終也別又繼之然

君子脩誠則物應尅己則名彰爾能珪璋特達甲冑忠

信致逸足於千里吾有望焉方務遠圖何嗟少別到秦

地有問吾事者爲報江湖閒心

送韋評事赴河南召募畢還京序

自唐蒙司馬相如開牂柯鑿零山於是西南夷君長始
受漢印及國家綬以大道振以長策滇越邛夔世亦皆
爲外臣蠢茲六蠻獨抗王旅天子方將開外戶掃絕漠
故授相國衛公鉞俾出作方叔入爲吉甫且募如貌之
介士將翦長蛇之速飛由是分命我廷尉評事韋公實
佐其任公以止戈諭之采薇歌之使政有典則人知義
所故燕齊少年韓魏勁卒召募如景附赴敵如焱馳自
春至於是月受命羽檄之下者凡萬八千計然後頒賜
算級將朝於京師夫勤王集事之謂忠周爰咨詢之謂
智復命而不僭英華作憇是于素之謂信姑樹三德載馳六

轡行當以柱下之書讚幕中之畫是役也冥冥羽翰非
瞻望所及矣請借英華賦以知魏風

奉送元城主簿兄赴任序

往歲兄之尉匡

匡英華作鉅鹿

德刑成禮義舉糝政杜紊綱緝

人曰莅民如此其達

達一作志

必大十四年春

春字据英華增

王正

月再命于元城元城地雄人悍土壤賦錯處宋衛中山

燕齊趙魏之都會三川輻湊四術轂擊兄方以德舉吏

此大邦

英華作都

則千里之迹兆於是矣彼徒勞者其饗翥

之濫觴乎歲物已春秦山日

英華作草

綠亦既選

英華作撰

吉駕

言徂東豈不知棠棣之詩廢則和樂之好

英華作詩

缺盍使

伯氏仲氏借詠歌之以贈行邁

送廣陵許戶曹充召募判官赴淮南序

冉駹不庭三年矣王師戒嚴將問罪荒服於是上將分
職慎選乃僚以許公有持斧舊名斷犀餘地故授以戎
政俾發卒于東夫三河之人豪全齊之人武荆吳之人
悍籍其餘勇可以盡敵信以致之繫公是賴然則諭王
命敦師律度程以料民徵騎以濟衆歌事以遣役輯謀
以定功在是行乎高天晚秋殺氣動地靡靡岐路悠悠
旆旌送離如之何賦小戎以爲好

仲春裴胄先宅宴集聯句賦詩序

先是先清明一日右金吾倉曹薛華陳嘉肴醜清酤會
河東裴冀滎陽鄭裒河南獨孤及于署之公堂引滿舉
白自午及子促席於花陰賦詩於月波文粹作下是樂極不
醉夜艾而罷後清明三日二三子春服成思欲脩好尋
盟選勝卜晝裴侯是以再有投轄之會是會也鄭不至
吾兄惠然而來堂有琴庭有篠芳草數步落花滿席中
和子冠烏紗帽相與箕踞嗚噓傲睨相視稱觴乎其閒
趣在酒中判爲酩酊之客家本秦也能無嗚嗚之聲其
詩云上天垂光兮熙予以青春今日何日兮共此良辰
與君觥濁醪而藉落英兮不知年華之相親蹇淹畱以

醉止孰云含意而未申歌數闋裴側弁慢罵曰百年權
會鮮於別離知開口大笑幾日及此日新無已今又成
昔不紀而賦之如春風何其演爲連珠以志此會

鄭縣劉少府兄宅月夜登臺宴集序

夏五月小暑至矣吾兄方幕夜天掃月榭有酒如乳醕
我乎城隅城臨近山俯瞰平隰秦郊漢苑相錯如繡且
有顥氣足以娛人故數君子稱觴焉其誰同之有若功
曹隴西李華參軍滎陽鄭洵瑯琊王休河東裴貺鄭尉
京兆韋造皆卿材也聲同而形骸相忘道契故機事不
入是以有高會遠望危言浩歌或心愜清機寓興於物

或語及陳迹肝衡而笑於是初筵而惠好脩中飲而意
氣接既醉而是非遣夫彭澤採菊隱侯臨風謂之盛矣
况高城古臺深夜朗月芳罇良友佳境勝事今夕何夕
入者俱并盍亦皆賦於此乎觀二三子之志

華山黃神谷醮臨汝裴明府序

按圖經仙人黃盧子得道昇仙之所

黃盧子滅景上漢千歲矣畱碧峯白雲以貽後世故清
機勝事未始有極余吏于華之明年道侶裴冀亦再命
爲臨汝令夏六月假道敝邑稅鞅此山思欲追高步詣
眞境於是相與攜手及二三友生童子將命者六七人
挈長瓢荷大壺以濁醪素琴會于黃神之谷興也案谷

之西頂實三峯東面石壁叢倚束爲洞壑乳竇潛泄噴
成盤渦兩崖合闕若與天接二三子將極其登探也至
則繫馬山足披榛石門入自洞口至於梯路蹋連嶂與
疊嶠度嶇嶽而躡凌兢夤緣絕磴及橫嶺而止澡身乎
飛泉濯纓乎清漣想夫君俟我於花峯下碧空而嬋娟
愛而不見搔首空山然後靡靈草以爲席傾流霞而相
勸楚歌徐動沂詠亦發清商激於琴韻白雲起于筆鋒
是日也高興盡而世緒遣幽情形而神機王頽然覺形
骸六藏悉爲外物天地萬有無非秋毫亦旣醉止則皆
足言以志仙跡且旌吾友嘉會之在山也

建丑月十五日虎丘山夜宴序

方今內有夔龍臯伊以佐百揆外有方叔召虎以守四方江海之人高枕無事則琴壺以宴朋友嘯歌以展霞月吾黨之職也我是以有今茲虎丘之會巖巖虎丘奠吳西門峯然如香樓金道自下方而湧鎖丹霞白雲於蓮宮之內會之日和氣滿谷陽春逼人岳煙掃除肅若有待余與夫不亂行於鷗鳥者銜流霞之杯而羣嬉乎其中笑向碧潭與松石道舊兕觥既發賓主醉止狂歌送酒坐者皆和吳趨數奏雲去日沒梵天月白萬里如練松陰依依狀若畱客于斯時也撫雲山爲我輩視竹

帛如草芥頽然樂極衆慮皆遣於是奮髯屢舞而歎今夕何夕同者八人醉罷皆賦以爲此山故事

冬夜裴員外薛侍御置酒讌集序

二公以大司馬之命領浙河東西十有三州之政相與周爰咨度乎均邦賦者三月矣當割而遊刃無閒臨機而捨拔則獲由是在簿領之際無江海而閒冬十月辛未徵會于此堂醺朋友故舊也賢豪畢萃升降有序縫衣淺帶十有五人聲同故窮達不閒意得而鄙吝皆遣肴芳酒濃夜寂琴暢慷慨言志駱驛舉白盱衡抵掌啞啞大笑三爵耳熱萬念如洗不復計名身之親疎憂患

之去來也況他累乎既醉余以箸擊唾壺扣商而歌其
詞曰簿領日盈機知君傲煩囂飲和自忘渴況以初筵
招道契跡自親誰爲列宿遙何用結同心綠琴復長瓢
日月若走馬炎涼催斗杓一年解頤笑幾日如今宵奉
君千金壽莫使歲寒凋是日禮成於易歡生於同滯憤
積慘彗掃湯沃方今溟海始波世屯未康二公克壯其
猶以立事爲己任行當自致青雲之上不復與適莽蒼
者羣矣吾儕浮其閒與風水俱他日或潛泉唳天一離
一合雲動雨散然後知今日樽酒未易再得將子無金
玉其音姑偕賦以卒賦

送宇文協律赴西江序

復周正之年天子以潤州刺史張公休

英華作林

為豫章太

守

二字英華作牧

豫章之人既庶且富部從事縣大夫缺而不

補先以檄徵協律於會稽時人皆賀豫章之得賢協律

之遭遇君子則曰夫子刃之

英華作有

餘地不啻切玉剖

英華

作割小鮮而用其銚無乃不可乎夫子曰不然蓋其不患

秩卑而患己素餐不患國士之不我遇患遇之而不答

苟有用我者吾其為執射乎於是舉帆西陵是日于邁

然後知丈夫之感義而不私

英華作思

其身也于域

英華作越是

長路江臯暮春沈吟秦山慷慨鏡水豈不知今日斗酒

明且不共顧懷安敗名無勇也怨別傷離非丈夫也苟
將申其道而成其務則萬里咫尺少別何有二三子其
詠歌之以代雜佩

送賀若員外巡按畢歸朝序

今年春上以富人侯爲丞相百揆時敘九州賦錯方欲
齊職貢之法崇底慎之典使六府修九序成謂尙書吏
部郎

英華有
中字

賀若公貞明直躬特達公器才足以茂功

歲事政足以宏道救物故俾繡衣持斧巡撫江介分王
命也公電發神機霜淬智刃其始至也問謠俗省疾苦
命司書示年數之上下削邦縣之版圖實其衆寡以差

井賦然後勞來安集宣皇恩而煦之飢者如得食寒者
如得纊使苞茅之貢必敘而杼軸之詩不作冬十一月
命郡吏致事言旋于京師且將捧府檄于南陔侍板輿
以西上禮也夫其由自家以刑國資事親以事君奉慈
訓不廢陳力將君命不違色養忠孝之大者況姦宄以
弭英華作干戈將戢朝廷方以律令章程責成三府然
則操六轡驟四駱周爰咨詢以成天下之務在是行乎
翰飛方騁瞻望何及唯獻酬英華作熟東閣弼成大猷使蒸
人粒海水靜農夫高枕及亦預焉凡執手英華作于路
英華有者請偕賦鴻雁取之于征劬勞于野爰及矜
岐字

人哀此鰥寡以爲善頌

送長洲劉少府貶南巴使牒畱洪州序

曩子之尉于是邦也傲其跡而峻其政能使網不紊吏
不欺夫跡傲則合不苟政峻則物忤故績未書也而謗
及之臧倉之徒得騁其媒孽子於是竟謫爲巴尉而吾
子直爲己任慍不見色於其胸臆未嘗薑芥會同譴有
叩闈者天子命憲府雜鞫且廷辨其濫故有後命俾除
館豫章俟條奏也是月也艤船吳門將涉江而西夫行
止者時得喪者機飛不搏不高矢不激不遠何用知南
巴之不爲大來之機括乎由圖南而致九萬吾唯子之

望但春水方生孤舟鳥逝青山芳草柰遠別何同乎道
者盍借賦詩以貺吾子

送王判官赴福州序

松梓榎相茂于深山不能逃匠石之顧賢士君子晦其
英華言跡不能使人不知其勢然也之子言忠信行
作於篤敬以文雅麗則括而羽之而世皆觀頤我獨儉德吾
固知長風六翮必有時而去及御史大夫李公之命介
也辟書四下果以嗣宗爲首歲二月載驟四駱脂車而
東閩中者左溟海右百越嶺外峭峻風俗剽悍歲比飢
饉民方札瘥非威非懷莫可綏也議者其謂君匡戎幕

以義佐師律以禮報國士以直導罷人以德使安危懸
于指掌勝負決于談笑則咨謀之道宏矣豈椎髻殊俗
覆車畏途足為志士之怵惕哉凡我出祖者亦既借賦
送薛處士業遊廬山序

薛侯敦於詩固於學敏於行時然後言言而寡九口弗
言祿祿亦不及識其真者以英華作也為永歎而薛侯居之

澹如君子哉若人也方以城市鄙於丘壑倦遊不如嘉

遯是月也拂纓上之塵西遊廬山山上有峯頂大英華作尖

林下有東林西林化成英華作城非遺愛六寺惠遠道生二

公昔常眷戀於斯焉履痕屐齒徧滿崖谷神期胎蠻恆

若對面之子之往獲心契矣苟藏器於身時行則行大
之將來隱顯一致彼安貞者其或為英華利涉之樞機
乎趙補闕驎王侍御定張評事有略各以文為貺記行
邁之所以然余亦持片言用代疎麻瑤華之贈

毘陵集卷第十四

毘陵集卷第十五

朝散大夫使持節常州諸軍事守常州刺史賜紫金魚袋獨孤及

序中 一十五首

送韋員外充副元帥判官之東都序

送孫侍御赴鳳翔幕府序

清明日司封元員外宅登臺讌集序

送澤州李使君兼侍御史充澤潞節度副使赴

本道序

送兵部梁郎中奏事畢還幕府序

送成都成少尹赴蜀序

皇朝集卷一五
送吏部杜郎中兵部楊郎中入蜀序

送商州鄭司馬之任序

送洪州李別駕還任序

送韋司直還福州序

送潁州李使君赴任序

送屯田李員外充宣慰判官赴河北序

送歸中丞使新羅弔祭冊立序

送渭南劉少府執經赴東都觀省序

送餘杭薛太守入朝序

送韋員外充副元帥判官之東都序

太尉臨淮王之秉旄淮沂也天子命公爲介洎臨淮薨

而相國

英華作公非

太原公繼授兵符盡護東夏諸將亦表

公參成周軍事如初命故事登掖垣者不驅傳居諫臣

者不就辟

十四字英華作官至左右掖垣不驅傳不就辟

將使其能必易其秩

故自左補闕爲尙書郎元年仲春始以使節赴洛陽經

大盜虔劉之餘頑民雖遷汙俗未返三軍之心注於帥

帥之耳目屬於參佐以公貞諒文敏能恤大事且成宣

之後也故以部從事咨焉夫民殘則訛訛則流禁流莫

若以德兵不戢則玩玩則暴禁暴莫若以信建信與德

以爲幕中之畫繫吾子是冀將賀不暇別於何有我飲

餞者姑以詩代路車乘馬

送孫侍御赴鳳翔幕府序

右扶風之地跨枕隴蜀扼秦西門帝命司徒爲唐方叔
開府之日搜賢自貳於是孫侯以監察御史領司徒掾
夫子卿族也用文學纘緒而弟兄皆材伯曰宿以秋官
郎辟丞相府仲曰絳拾遺君前及余爲寮夫子則以貞
幹肅恪之能入主方書出佐戎政花萼灼於三臺時人
榮之二月丙午乘傳詣部人謂扶風於是乎有三幸獲
白額而南山有採藜藿者一幸也

先是司徒於南山擒賊帥高玉今夫

操兵者如虎而司徒仁而愛人二幸也其府君則賢其

幕府多士而孫侯懿之以文德三幸也恪於德以臨事
度其英華義以從政力於忠以成績吾子勉之其茂不
濟矣士爲知己者用豈干榮哉英華請居者歌之持貺
行邁

清明日司封元員外宅登臺讌集序

可以排天下細故使憂恚不作莫聖於酒況與同志者
共之復遇司烜出火勾芒宣氣天地氤氳熙我以春乎
是日也卉木羅其庭除柔嘉充於圓方言必遺累笑必
造適故談話不及朝市跡無町畦事不機括故和樂不
待笙磬主人有才子四人侍酌於前臺下有南山倚庭

碧草芊芊溝塍圃畦如龍鱗龜甲芳樹繡布白花雪下
於是一觴解顏再觴解憂三觴忘形而傲隨之商絃數
奏墻陰移而坐客醉手持濁醪笑向朗月夫以世道之
多故年歲之不吾與也若憂患歡樂衆寡之不侔苟來
者猶可追無亦顧隙閒之駟以罇酒買笑余敢惜費貽
青春羞几今日娛莫我若也吾乃今日視薄遊空名如
爭蝸角又何用知接輿伯夷不愚於杜康乎顧謂滿坐
展詩以贈亦命夫四子者志之

送澤州李使君兼侍御史充澤潞陳鄭節度副使

赴本道序

今歲皇帝擇可以守四方之臣分命大司徒涼公作藩

岐

英華作沂

陽平秩西夏涼公季弟曰抱真敬事好學仁勇

忠信凡仁則不偷勇則不撓忠則能

英華有宣字

力信則人

任焉故天子器之方倚以胥附

英華作朗非

使宅高平綏厥

有衆董次將之任且以柱後惠文冠冠之詔下之日軍

府胥悅蓋蕭何守關中舉宗詣軍而涼公荷方召之寄

亦以愛弟居東旅於行閒忠之大者夫高平上黨之地

當趙魏燕代潞之咽喉太行恆山爲之襟帶公居有專

城之任行有亞旅之職其略足以固其封疆其惠足以

柔其民人勗哉夫子進吾往也伯兮仲兮執兵之要謹

身以肥家自家以刑國高平之政可以未行而窺矣彼
瞻望佇立壯夫恥之非歌詩莫足以贈

送梁郎中奏事畢歸幕府序

元年夏相國涼公將城汧陽百里二城卽戎於境先命
從事兵部郎中安平梁公鎮如京師請王命且料民以
調兵食五月甲戌至自雍危冠上前手畫地圖以兵機
軍儲屈指條奏上甚悅事下三府六月庚戌以璽書還
雍改轅而西旣犯輶於是追送者皆賦美使臣專對以
直而君遣使臣以禮詩之所由作也公嘗以郎官宰昭
應昭應之賦均人和參事相府相府穆穆今元帥七萃

之士萬計以王命伐不庭公章甫其冠縵胡其纓咨諏
乎轅門討軍實以輯戎政票衛之制勝營平之威謀子
姑佐之固亦整軍經武將王室是獎豈載驟四駱皇華
原隰之謂秋晚筋勁隴關雪下企予望吾子以班固之
筆札銘崆峒山而還悠悠我思章句以贈之

送成都成少尹赴蜀序

歲次乙巳定襄郡王英又出鎮庸蜀謀亞尹僉曰左司
郎成公可溫良而文貞固能幹力足以參大略弼成務
既條奏詔曰俞往公

英華有亦字

朝受命而夕撰日卜十一

月癸巳出車吉尙書諸曹郎四十有二人歎軒騎將遠

故相與載籩豆醲葷剖羊膾魴脩飲餞於肅明觀以爲
好飲中客有賦蜀道難者公曰士感遇則忘軀臣受命
則忘家姑務忠信夷險一致患己不稱於位於行邁乎
何有言訖抗手建節卽路且以紛悅刀礪侍輕軒而西
凡強學以脩業積行以取位赴知己不爲名適四方不
違親卿大夫之孝也吾子其無忘可移之忠將咨度是
務使岷峨其父苛慝不作天聽自民誰謂蜀遠別細故
也豈薑芥乎凡今會同非詩無以導居者之志

送吏部杜郎中兵部楊郎中入蜀序

二公罷東西

英華有之字

曹草奏啟事之劇而參軍西南時

人或譏朝廷易其大而英華無而字難其細及以爲不然方

當天子命將帥以守四方丞相秉鉞爲唐南仲擇佐命

介宜先才者英華有賢者二字事孰大焉彼採薇出車以遣役

勞勤我則異於是受王命者不言勤赴知己者不愴離

今日斗酒姑展交好遂以道吾英華有子字四方之志亦使

滿座歌二公乎

送商州鄭司馬之任序

往歲司馬宰湖而湖人安輯大駕東狩之往復也供帳

職辦天子以爲能故寵之以兩綬勞勤也今茲佐商增

秩也人謂使人任器之道當處司馬以劇而觀其利用

司馬曰與其徇名以利人寧勤身以安親況佐郡之逸
乎於是五彩其衣是日南邁流火戒節寒蟬嘹唳曉闕
白雲片片秋色二三子之感時傷離者斯可以言詩矣
送洪州李別駕還任序

別駕以

英華
作者

嘗宰三縣佐四郡未始不以廉直爲己任

亦未始以廉直銜己名仕有餘力則寄傲於琴趣遠是
以曲高意精是以聲全得於心而形於手故非外獎所
及當其操弦如操政焉時人知其琴不知其政善而無
伐光而不耀故也今也來斯

英華
作思

上台解榻卿大夫士

從之如不及時因觀操縵之妙可以見從政之道是行

也吾子其懋脩乃德恪儆爾位夫亦將抑與不暇求於
何有唯湯湯郢音明且將遠廬峰湓水大江閒之風景
可同而聽不可共由是衆君子賦詩以壯別且曰備折
楊皇英華作黃華之韻用抒他年之相思

送韋司直還福州序

遠別非難行路難行路非難相逢難始者與吾子會於
撫以吾一日長乎子子嘗敦弟兄之好而不吾先自雲
搖雨散凡四悲秋而一會面亦旣道舊別又繼之斯可
以愴矣然君子患德之不逮英華作建不患人之英華有不我
知吾子克慎厥身以荷先大夫之覆露賁然將命爲邦

司直被服文行而鏃礪之揚其家聲吾唯子之望豈行
邁與聚散足貽志士之沂戚乎是別也祇以歌詠貺吾
子而已

送潁州李使君赴任序

公之爲潁州也朝廷以不失人爲明潁人以得父母爲
幸公獨以去色養爲戚故執事者難之其爲公謀者則
曰受命忘家公也愛親讓祿私也君子不以私廢公不
以孝弃忠況國家方親親賢賢而當潁人俟師長之日
可以此時急聞禮而緩君命乎公曰諾然後明日朱兩
轡而東竭力致身之誠於是乎全矣方當輯寧疲人襦

而袴之宜其大王事而小行役豈徂暑之熱遠道之思
與前期之難足攬胸臆賦詩勗別於以持贈

英華作
特贈非

送屯田李員外充宣慰判官赴河北序

秦吳燕送之別昔人所愴若君子以令德佐王之使臣
將命以適四方當用文教柔遠威懷示德則其舉也可
以悅其愴也可以遣況吾子家本全趙倦遊一紀駟馬
以過故鄉足展南枝北風之思買臣歸越相如還邛古
今相望是可同轍明日渡滹沱涉桑乾布王澤覽風俗
之暇爲我問藁臺崩丘厥狀何似平原樂毅故事存否
歸而揚擢用廣異聞夫道別離者緣情而已

送歸中丞使新羅弔祭冊立序

儒家者流鮮冑冠獬豸冠者天子以公身衣儒服力儒
行行之脩可移於官學之精可專對四方是故公任執
法之位且使操節以濟大海頒我王度於大荒之外夫
新羅嗣王以喪訃且請命於我我則歸賵繼好以策命
命之實懷遠示德禮之大者夫亦將宏宣王風誕敷微
言使雞林塞外一變可至齊魯不然歸公何以不陋九
夷之行也蓋行於忠信者無險易拘於王程者無近遠
故公受詔之日則遺其身視涉海如蹈陸謂窮髮猶跬
步豈鯨怒鼉抃足戒行李凡以詩貺別姑美遣使臣之

盛云爾

送渭南劉少府執經赴東都覲省序

彼徇名者遭時多故乘地高勢罕不爭先

英華有
著字

鞭而

務飛速以誇當代獨吾子以文行裕蠱思不出其位奉

簞金之所遺羞地芥而不拾其初以

英華無
以字

筮仕也典

校祕書祕書之職脩尉於渭南渭南無糝政歲二月以

紛悅觸燧歸覲於洛白華之戀也和氣用事春物滿眼

之子于征五綵其服想成臯花合穀洛水大是吾子拜

嘉慶問清高之日歟夫克家而家肥策名而名彰居官

而官辦孝之大者則貂蟬羔雁在子外府姑務遠圖何

嗟少別到洛陽爲我寄聲謝鳴臯故山杼離如之何詩
以贈遠

送餘杭薛郡守入朝序

有大道者遺小成之迹抱宏略者非曲士所見公嘗以
匪躬之故三入承明時議用舟楫期公者七載矣而猶
建隼河壖洗幘江島興貝錦之歎詠跋胡之詩豈不以
名至盛德至廣而厦材多節夷道若類乎今天子受宣
室之釐忽思賈誼以謗書之篋先示樂羊且搜元珠俾
詣丹闕則巨鱗方縱未可料也雖欲抱黃老之術與赤
松子遊公器所歸難乎免於珪組矣夏五月弭棹睢渙

脂車而西火雲成峯郊草如織誰謂秦遠跂予望之有
以見升赤英華作青霄捧白日在此行也謂攀四牡者各賦
南山有臺之四章取樂只君子德音是茂以爲志云爾

英華無云爾二字

毘陵集卷第十五

且刻樂卷第十

述上成之迹抱宏論者非曲士所見公嘗

居東之履二人承明時議用舟楫期公者七載矣而

述學何如述德之為與且錄之款以誠明之誠言不以

謝二字 述學何如述德之為與且錄之款以誠明之誠言不以

南山亦臺之國章項樂只昏于齡音鼓莖以無志元

以具世表其精香馨白日野此許也晴樂四抄香谷

湘車面西火雲知攀校草咬難辨晴泰教翅牙望

昆陵集卷第十六

朝散大夫使持節常州諸軍事守常州刺史賜紫金魚袋獨孤及

序下 十四首

崔中丞城南池送徐侍郎還京序

送蔣員外奏事畢還揚州序

揚州崔行軍水亭泛舟望月醮集賦詩序

送武康顏明府之鄂州序

送六合林明府赴選序

送崔詹事中丞赴上都序

送李副使充賀正使赴上都序

送孟評事赴上都序

送柳員外赴上都序

送崔員外還鄂州序

送朱侍御赴上都序

送少微上人赴天台國清寺序

送陳贊府兼應辟赴京序

送司華自陳畱移華陰赴任序

崔中丞城南池送徐侍郎還京序

侍郎昔爲河南督郵河陽令其解龜也東人思其遺美

今出入夷險歷二十

英華作三十餘

載而一來廳樹未老佐吏

半在公位望章綬輝光城邑觀者榮之而東都主人亦
以籩豆醖葷徵會脩好之不暇凡萃止十有五日而去
去之日主人歎瞻佇

英華
作仰

之莫及也故又釃酒于此池

池上有雙綵艫與竹齋對布賓主位于罇之左右而蘭
臺金闈建禮承明之英十有八人序列其次池外有闕
塞雙嶺遙作外戶嵩高逶迤數峯當窗伊洛春樹若刺
繡布錦仙桃火燃顧我則笑於是遊眺之不足則舉白
以相勸而狂歌送之唱權鳴榘簫鼓陳乎其閒醉中疑
三江五湖去人不遠謂千慮萬事無非妄作况少別可
以興愴乎但駟馬行塵明日將遠登而無賦謂罇酒何

宜歌而詩之且以見追攀者之志

志字英華
作心也

送蔣員外奏事畢還揚州序

揚州牧趙國崔公使其部從事侍御史吳興蔣晁如京師條奏官府之廢置歲月之要會其來也吳楚之衆君子酒而詩之而薛水部弁李司直翰雙爲之序以冠篇首旣將命趙公拜左僕射蔣侯加尚書郎之位其還也之子日執書卷以言於朝曰始者與數賢別賴斯文故常若在眼今幸而遷秩行車在門且離羣想今日之會亦猶於此而思彼也非置書袖中人謂我何然後西人之舊者皆賦韻道別而鄙夫和之詩大略蓋美蔣侯

以才智任職有周爰咨諏之用而將事不墜專對不辱
能一其心以佐大府之政政靡小大唯公是謀謀之臧
歸于府不知我者則謂我專趙公所以有成璿坐嘯之
論而無慙示樂羊誦書之篋而不疑斯可謂之明矣今
也于歸腰曳兩綬然濁涇素滻春水始生秦原青青諸
草皆秀可其樂也而又別焉凡我同僚是以有瞻望不
及之歎故送遠之志悉形于文

揚州崔行軍水亭泛舟望月醺集賦詩序

言同者無約束而信心同者未謔浪而樂聲應情至則
不俟外獎况遺言之言造適之笑與杯中物池上月風

中弦五者合以貺余歡其可勝旣乎于時衆君子棲公
翰林如翔鳥之得茂樹也至是登于仙舟泳彼新流掇
芳翫奇以永今日日不足故用夜漏繼之羽觴未及數
覆銀河橫而金波上樂作神王百憂如失而弦繁管清
悲歡交乎其閒則高歌爭進或道舊以泣酒酣意真樂
極感至故也當斯時視身後之竹書鼎銘猶稊米芻狗
也況細故乎二三子醉猶能賦且酌且詠余屬而和之
其詩云明月借秋興流光在此池山公顧我厚醑酌稱
未疲勿謂嘉會易但憂離別隨飽君醉中德敢使松心
移

送武康顏明府之鄂州序

多故以來于祿者進必欲速大抵悉弃夷道而趣捷徑
顏子獨曳儒服非其知己之命不苟合非稽古力所致
不妄動今其來斯也不以賄不以名不以遊眺挾策讀
書藝成而去君子哉若人耶將以特舟片帆泝澗于大
江秋濤之中涉彭蠡歷西塞浮于潛踰于沔吾子安于
忠信亦當安于風波況滔滔江漢茫茫禹跡乎于此乘
渚返顧齊吳榜以擊汰其聲可想司馬子長浮沅湘窺
九疑亦此路也足以覽古乘興窮極視聽行將搜異不
暇懼於何有凡今賦詩以抒居者之思且用勗吾子四

方之志云爾

送六合林明府赴選序

今之為邑者祇事趣辦而已矣之子獨以公廉不苛聞

于朝

英華有廷字

夫公則能力

英華作廉

廉則不苟

英華作苛

不苟則

無害六合之人飽是三德故家肥人讓而名隨之宜

英華

無宜字

其黜陟幽明

英華作考績

之日首冠賢能之選也宜哉

上方勤恤人隱渴良吏如不及之子令問將與位偕行

當見函浴春物迎馬首於千里之外勿謂蕪城衰草足

愴遠別二三子何以持贈其歌詩乎

送崔詹事中丞赴上都序

初公由尚書郎出佐蜀郡無何熊軾暢轂專席而坐休
績布于巴漢天子器之時人謂公逸足駸駸視公卿猶
步武耳旣而剖符驅傳出入吳楚專五城佐三府府罷
身退復藏於密出處之道歷二十載而未光知公者不
堪其歎公未始屑於胸臆貞直廉讓之德內充故也夫
貞則專直則固廉則不競讓則後時故其寵不及而名
益茂也宜哉今上方厲精熙載用官人安民爲急百工
以釐不至者知罪故公朝賁然伏軾入闕時然後行動
而不格在是役也銷憂者莫若酒酒中樂酣可以道千
里之意者莫若文羣賢詩之以送遠蓋古人雜佩以贈

之之流也

送李副使充賀正使赴上都序

之子領祕書著作于是邦參我軍事事必肅謀必忠居處必恭三年矣而身無擇行職無糝政政之和非吾子曷賴今茲將東諸侯之命朝于京師稱壽之儀舉專對之才達是行也將爲度材者所得豈復顧池中乎正月元日和氣資始大行設九賓於蓬萊前殿皇帝輦出百辟奉賀公將以此時捧章奏於雲陛之下得觀虞舜之九成簫韶塗山之萬國玉帛况惟仲氏典司宸翰棠棣之華交映於朝斯可謂之榮矣懋修乃職尚慎行邁勉

從欒伯之戒將復臧孫之烈至如遵大路之歎不足爲
吾子設矣吾嘗同寮且士龍之執也江樓醉別何用賈
遠以其章句當佩玉瓊琚乎

送孟評事赴上都序

孟子以鄉舉秀才射策甲科二十年矣同時中楊葉者
今或蔚爲六官亞卿或彤襜虎符秩二千石而孟子猶
羸馬青袍客江潭閒遇與不遇何其寥夔也然君子不
患貧患業不修不患位下患道不行孟子言忠信行篤
敬好學工文令名藹然今茲入關有司之喜也諸公展
相遇之禮其肯不以推之輓之爲己任見三月四月之

且陽集卷一六
交澧灞之間王雎飛鳴草木暢茂是吾子彈冠之時也
二三子不可以不賦

送柳員外赴上都序

初弱用之拜也吏者隱者相見皆賀曰朝廷搜賢不遺
邱壑中人則搢紳之賢者日至矣未有賢人至而太平
不興者而弱用獨以衰疾行邁爲憂諫議大夫昌黎韓
幼深貽弱用書曰君子之命知己之遇其可易乎由是
不敢言病卽日戒路夫君子之道進不苟容退不懷安
不以欲拂人不以私弃公時止則止時行則行弱用之
心也仁矣哉與夫捨龜觀頤自盛以橐者異矣方今主

上用文思柔遠魏邴謀謨唯賢是渴想見龐眉大冠俯
僂於朝廷與公卿大夫言三代故事出入金馬石渠之
署國人孰不宜之今之史臣樂安蔣鎮博陵崔儒頃與
弱用同以德進儻與夫二君子道舊必話鄙夫疲於郡
齋之狀勿使不知我者謂我不思若夫抒今日秦吳之
別斗酒之外詩而已矣

送崔員外還鄂州序

員外曳朱組擁使節將鄂州牧御史中丞吳公之命方
舟如吳祗役歲事肆覲伯姊展歡申悲浹辰而還飲水
恪慎夙夜匪懈孝悌友恭形於容止追攀者觀禮於公

見公之仁繫公之先德與位偕由大王父已下一門三
太子保傅二御史大夫一宰相四二千石家之範可刑
於國今則兄掌冬官弟列郎署閨門怡怡花萼相鮮欲
辭必復之榮朝廷其肯捨諸永言夙昔將繼舊好惠而
顧我其敢不以久要爲荅雖嘉肴充圓方旨酒盈樽疊
祇攬別緒不足慰瞻望不及之歎故可以於此乎言詩

送朱侍御赴上都序

子以才茂經明鄉黨稱仁起褐衣四五年超參夏口軍
事同時諸生有未登賢能之書者公以惠文冠出入殿
中蘭臺其以文章干祿何啻如拾芥吳中賢士大夫由

是益勸今復戒鞅而西言赴所從昔陸士衡入洛張華如舊相識之子之文章粲然有昔賢風采彼茂先之徒其肯捨吾子乎將子獻詩著論特備風雅以宣上德抒下情爲己任勿獨誇吳趨閭門之廢興辯蓴羹羊酪之優劣而已急賢之日何患人不知凡今贈別皆吳士也

送少微上人之天台國清寺序

或問上人曰文者所以足言也言說將忘文字性離示入此徒無乃累一相乎荅曰稱示入者過矣以習氣未之泯也率性修道庶幾因言遣言故欲罷之而未能耳

時人謂上人爲知言知道歲次乙卯自京持鉢而來給
事中天水趙公涓賦詩抒別卿大夫已下屬而和者二
十七章旣而飛錫濟江休于晉陵又東至于姑蘇將涉
震澤踰會稽上天台至國清上方而止趣靜境者不料
遠近登漸門者不計歲月則上人還斯詎可知也上人
之文章可得而聞也諸公將議遠別得不以斯文爲贈
乎

送陳贊府兼應辟赴京序

初公讀梁竦傳始慨然薄遊恥揭其公器退而耕於楚
縣知言者以爲子真吳都禦寇圃田卜商西河與公道

雖不同其操一也羿工於中微拙於使人無己譽固知大名之下天爵難讓十二載冬十月果以公才徵龍泉自惜暫隱牛斗之次美玉無脛竟爲秦人所得且晉以梁山召伯宗漢以明堂延申公尊德問禮於斯爲盛況朝廷頓八紘久矣頃來儒服立於魯人之門者公祇命台鉉將濯纓而孤矣當貞女不字十年反常及大翼怒飛知一日幾萬問離羣何贈請賓賦車乘主人賦南有嘉魚以代零雨之什

送司華自陳畱移華陰赴任序

去年春公自京兆北部尉謫掾陳畱議者或歎公大才

未光直道而黜君子則曰否患德不立不患遇坎始用
舉至是雖速謗何傷有才與時不遠而復其明年春肆
大胥冢宰量殿最厚薄以令聞遷公于華陰然後知朝
廷之祿用也華陰者左崤函右雍州潼津鍾池綴于分
野長河太華爲之襟帶甸近所以難其選地雄所以寵
其秩公將以利器刃物清機臨人吾見岑公孝不得專
美于南陽大火初落昊天欲高遠山雲開歸路秋色請
各抒別操使行者得歌而咏之

毘陵集卷第十六